

minatur? A finos enim dicit qui secum in luto volutari renuant & paulo altius assurgant animo.

Hæcque hætenus de Regno rationis hodierno, deque Fortibus in hoc regno Spiritibus non pro rei

quidem dignitate sed pro ingenii hujus angustiis & pro tempore dicta sunt: Quæ si profecerint quidpiam ad Regine veritatis honorem, illam ipsam, cui soli litare in animo fuit, pronus adoro: sin fefellit me spes, aurem docentibus lubens dabo,

J. O. G. D.



PRÆFATIO.

Duo sunt, quæ sanæ rationis profectui ex æquo adversantur, alterum *negligentia*, alterum *præsumptio*. Illa non audet discere quibus esset opus, metu laboris: hæc non vult discere alia, quia præsentia qualiacunque sint pro magnis habet & sufficientibus, & sese nimium amat.

Atque ut sunt quemadmodum bona seges, ita etiam lolia inter se connexa, alterum alteri vitio ortum præbet & occasionem mutua. Negligentes solent esse præsumptuosi, quia sperant paucis obtinere id atque stertendo, quod labore constat. Et præsumptuosi solent esse negligentes, quia amor proprius suadet, nihil deesse quod labore sit adipiscendum.

Hodierna atas præcipue est ferax præsumptionis. Omnia se scire velut de cælo illapsa videntur multi sibi videri, qui aliquid dicere aut cogitare possunt, quod ipsi *rationis* nomine appellant sæpe falso. Quisquis in rebus aliquibus scit suum *Ergo* proferre, aut suam *Quia*, ille se ratione pollere plurimum autumat, & omnia ex suo proprio fundo sperat eruere: satis enim *Ergo* & satis *Quia* intra se continet. Ignoscat mihi auris Latina.

Sed sunt inter homines nonnulli, qui non contenti sese præsumptuosos esse, etiam aliis ad præsumptionem sunt duces. Hos ego dico, qui rationi præsentis applaudunt, cetera omnia, quamquam sint rationis adminicula & fax, abesse jubent, imo fœde etiam derident.

Plures

Plures id genus alios aliis meis oppellis depexui. Nunc illi mihi sunt examinandi, qui sæpe gloriantur *hodiernum regnum rationis in auge versari*, nunquam rationem ipsam majores quam nunc accepisse vires. Neque hōd contenti ætatem abhinc elapsam velut anilem, servilem & prope ratione destitutam exhibilant, cuius lumini & auctoritati tribuendum sit à novis nihil, sed omnia ab illis alia ac diversa esse nunc & agenda & cogitanda.

Qua re ipsos falli non raro, & rationis egregia adjumenta ab antiquis repetenda ipsos turpiter abjicere; aut veterum adminiculis usos quin fateantur per quos profecerint, misere ingratos esse; denique præsumptione hodiernæ excellentiæ rationi ipsos nocere ac rei publicæ, ex hac nostra opella fortasse, caute lector, observabis si nondum ipse ac me quidem accuratius observasti.

Accipe & si vacat (non est mora longa) cordatus lege, atque Vale.



NICHOLIFEVO

MICROFILMED
SERIALS SECTION
UNIVERSITY MICROFILMS
ANN ARBOR MI 48106

